

遵義府志

卷十八之三十一

木皮坑冶風俗祥異

第 卅 一 冊

遵義府志卷十八

木政

前漢書蜀郡嚴道有木官而西京宮殿未聞以岨嶰
檀柘岷山梓柏輸將作者蓋亦與鹽官橘官等耳史
冊中惟唐開元間漕西山竹木至明嘉隆乃屢下蜀
中採木之議而遵義木場遂與馬湖等處併受其厄
力役之費動數百萬勞民傷財極矣雖擇近水者乘
潦而下而百千中僅一二達京師督採官且有老死
於山箐中者噫非無益之酷政歟

聖朝勤恤民艱縱有

欽丁節費節勞無稍擾累邇來

光階禹室更無所需懸嶂陰巖桐生茂豫轉嘆良材美木

產此無用之區而猶塵

聖天子之仁育也顧不幸哉

明

嘉靖二十六年奉天殿災遣工部侍郎劉伯躍開府

江陵總督湖廣川貴採辦大木旋以憂去以左副都

御史李憲卿代之乃分派參政繆文龍入播州踏勘

播州之木有儒溪建昌天全鎮雄烏蒙龍州蘭州之

木竝屬四川巡撫督率採運

歸有光左副都御史李公行狀

按陳志四川建昌產杉木馬湖永播而下產楠木

歷代南中不賓斧斤無得而入焉明洪武初年建

置城郭都邑冊封蜀王營建藩府皆取蜀材永樂

四年詔建北京行宮勅工部尙書河南宋禮督木

前後凡五入蜀監察御史顧佐亦以採木至而少

監謝安在蘭州石夾口採辦親冒寒暑播種爲食

二十年乃還正德六年乾清宮災勅工部侍郎兼

右僉都御史安福劉昇巡撫總督營建正德十一

年又遣郎中李寅催督採木嘉靖五年勅工部右

侍郎兼右僉都御史黃衷督木九年勅巡撫右僉

都御史鉅野宋滄兼督木十九年議建獻廟勅右副都御史戴金督木憂去婺源潘鑑來代二十二年採辦枋板以巡撫都御史史進賢張臬兼督二十六年三殿灾勅工部右侍郎劉伯躍督木憂去徽州李憲卿代四十五年修建承天等殿巡撫都御史宜黃譚綸兼督木萬曆十二年慈寧慈慶兩宮灾巡撫都御史雒遵兼督木二十四年三殿灾巡撫都御史兼督木三十五年灾巡撫都御史喬璧星兼督木明史食貨志採木之役自成祖繕治北京宮殿始永樂四年遣尙書宋禮如四川禮言

有數大木一夕自浮大谷達于江天子以爲神名其山曰神木山遣官祠祭十年復命禮採木四川仁宗立已其役宣德間時採時罷宏治時停四川採木正德時採木湖廣川貴嘉靖元年革神木千戶所及衛卒二十年宗廟灾遣工部侍郎潘鑑副都御史戴金于湖廣四川採辦大木二十六年復遣工部侍郎劉伯躍採于川湖貴州又遣官覈諸處遺留大木郡縣有司以遲悞大工逮治褫黜非一竝河州縣尤苦之萬曆中三殿工興採楠杉諸木于湖廣四川貴州費銀九百三十餘萬兩徵諸

民間較嘉靖年更費呂坤萬曆二十五年陳天下
安危疏有云卽以採木言之丈八之圍豈止百年
之物深山窮谷蛇虎雜居毒露常多人烟絕少寒
暑饑渴瘴癘死者無論已乃一木初臥千夫難移
倘遇阻艱必成傷殞蜀民語曰入山一千出山五
百哀可知也又如海木官價雖 株千兩比來都
下爲費何止萬金臣見楚蜀之人談及採木莫不
哽咽苟損其數增其值多其歲月減其尺寸而川
貴湖廣之人心收矣按此疏入不納
萬曆十四年播州宣慰使楊應龍獻大木七十材美

賜飛魚服

明史土司傳

二十三年播州宣慰使楊應龍論斬得贖輸四萬金

助採木

王鴻緒明史稿

三十五年巡撫喬璧星兼督木

四川通志

議略該本司左布政使湯自昭右布政使王應麟
會同署印按察司劉禹謨看得今次採辦大木通
共二萬四千六百一根塊查得萬曆二十四年估
計規則共約用銀三百六十三萬餘兩除虎尾保
水二色杉木緣上次未奉派採價值亦無則例先
已揭報本院裁酌外查得萬曆二十四年奉文採

木彼時木司庫貯尙有二百五十餘萬金與征播之需相兼支發而分派州縣自行採買者又所費不貲僅完二運若今次所派木枋數倍往額而司庫積貯罄竭無遺且川省自先年兵火之後疊罹災荒閭閻愁苦物力凋耗累年正賦尙多積欠未完今議額外加徵亦恐未易爲力茲奉部議堪以甯用舊四司料銀贓罰商稅稅契缺官奉薪數項而已查得兩院贓罰鹽課及鹽稅稅契事例等銀每年湊足十萬四百餘兩解赴陝西濟邊四司料價歲額一萬九千四百餘兩三十五年分已解部

訖缺官俸薪原無常額數亦不多惟有每歲商稅一半該銀一萬五千兩他如南京麀皮事例稅契等項俱堪甯用總之每歲不過四五萬兩曾不足當十分之一此外百計搜求別難措處誠莫知所爲計矣除見行通查各府州縣見有庫貯遵義一道原係產木之區但新疆甫定物力空虛似難獨任應就近併附上川東道爲一總而量加其派額其虎尾保水二項杉木及門工亟用巨材責成上東下南二總在上東者除遵義外再加分派於下東在下南者量行分派於上南建昌等處採辦以

充頭運之數一應事宜除督木道專任通行督理外仍行七總各道將分派木數轉行所屬府州若何而選委能官若何而招商採辦若何而驗木給銀若何而到江發運一聽從長計議隨宜處分要在無拂商民之心而共濟公家之事此最今日第一議也至若合用錢糧數累巨萬俱毫不可缺亦不宜緩者今求之帑藏既積貯無多欲俟之請撥又緩急難濟惟有先行加派庶濟目前之急也查得川省錢糧俱以丁糧起派合計通省額糧除浮糧番糧外實徵稅糧共九十七萬六千四百五十

三石八斗二升零人丁八十八萬一千七百四十六丁若驟加徵派恐民力不堪合無先行量派每糧一石每年除原額外今加派銀五錢人丁一丁除原額外加派銀五分照征播事例不許優免仍聽該道查考務責令州縣正官定限追比彙解各該府州庫貯聽候司道行文支放不許拖欠不許稽遲自萬曆三十六年分起至採運完日停止凡招商採買僱募運夫等項卽以前項銀兩支給并不許僉報殷實承買亦不許編派運夫入山是民間雖有一時加賦之苦而較之先年官民俱擾貧

富并累者相去懸絕或亦人情之所樂趨也他如招商驗木給價起運等項尙有許多節湊許多區處通候司道議妥至日另詳外今將前議二款先行呈請伏候本院裁奪再照今次派採大木數倍往額且鴻巨異常如一號楠杉連四板枋此等巨木世所罕有卽或間有一二亦在夷方瘴癘之鄉深山窮谷之內尋求甚苦伐運甚難今者瘡痍未起以熒熒不遺之民任此艱難重大之役其何以堪查得嘉靖二十六年間以三殿採木共木板一萬五千七百一十二根塊萬曆二十四年以兩宮

採木共五千六百根塊以今日所派較之嘉靖年間幾於一倍較之二十四年多至四倍矣多積於官固可以待用而併取諸民實力所不堪職等竊謂額派之數宜減卻文派採定爲三運其頭運部文限三十六年以內到京而門工巨材且限春運計期已在睂睫間而錢糧未措商賈未集合式之材不知其在山在水非有神輸鬼運之術何以卒辦且川省去京極遠奉文最遲卽水運之程越歷江河逶迤萬里由蜀抵京恆以歲計矧加以採伐挽運之繁乎查萬曆二十四年奉文採木至二十

五年起解頭運二十六年到京二十七年起解二
運二十九年到京今次木巨數多尤爲不易故職
等竊謂運解之限宜寬也夫無米之粥巧婦難炊
千鈞之任衆擎易舉今茲大役約費四百餘萬金
而專責之一隅之物力是卽杯水車薪之喻耳今
查本省庫貯存及民間加派爲數無多不敷支
用此外惟有請發內帑外省協濟而已第今工役
繁興水衡告匱封樁雖富檢發未聞似難輕率舉
行惟是題留解京錢糧如四司料價贓罰商稅契
稅缺官俸薪鹽稅茶稅事例等項銀兩併量留歲

解陝西濟邊銀十萬餘兩此雖戶部額餉而以前
數卽令陝西措解各邊准作協濟本省之數亦無
不可其他省分非爲重大役工者俱令量行協濟
多者十萬餘金少者五六萬兩卽請工部定派省
分行令各照數速解以濟然矚諒急公之義各有
同心或不至秦越相視也至於雲南先年用兵借
過川省銀共四十萬兩除上次採木取還并征播
議解貴州助餉外尙欠一十九萬六千餘兩又三
十二年借過司庫銀五萬兩今止還一萬二千兩
尙欠三萬八千兩俱未解還今當此多事之秋該

省有唇齒之誼前項借支急宜償還得此資助亦猶之乎協濟矣故職等又謂支費之資宜裕也凡此皆目前急務不容緩圖而又不欲以擅專者伏乞本院特疏題請卽議俞允所謂寬一分而民受一分之賜庶幾物力稍充而大工亦易舉矣通志黃輝採木記採木國家鉅役也費至重力至勞是天下之所無奈何而不可以已者也詎宜以可奈何之心當之而姑爲如得已之法行之哉自明興迄今不知爲役凡幾慮無不督責有司而拮据民運者於國得矣如民何大中丞聚垣喬公以丙午

入蜀理木政者六年於茲痛鑒已事九郡各簡一賢佐主之而直隸州六主以刺史召商採辦民唯所號令焉更念役重賦繁公私困蹙會疏題請減派額寬解限議協濟請內帑設專道皆報可姑於民間照丁糧量加賦一年此外毫無干預焉初中丞鎮蜀日塗播故無何復憤蜚蠆之恣虐赤我郊原則多方勸分振濟粥而藥之民乃稍稍有起色而上亦念夜郎兵燹後方慝慝歲大旱頻仍復事採木其毋乃不堪命已感中丞繪圖抗疏備極忠懇聖母聖上洎宮中咸爲憫惻合賜金五萬特遣

使臣宣布詔命萬里推輓西入斜谷至蜀郡徧賜
燧獨嬴閭部屋咸舉手加額乃知上及聖母后宮
之仁聖雖高居九重乃心罔不在赤子卽胼胝竭
蹶其何以報萬分一廼立章程告戒凡我在事如
有踵襲故弊僉派滋擾偷安糜費者以白簡從事
有司受命凜凜又下令曰訪聞涪夔間有附近亡
賴假託土商詭故影射欺官商在遠私移斧記改
飾僞號而串同守戶別立契券矚有各處漂流巨
材輒圖姦騙捏詞誣諫官商多被挾誣訟端閃爍
難可立斷遷延時日徼幸計得官商橫遭局騙因

之悞事貽害無窮自今敢有舞智行私作姦犯科
者司道究遣法無寬申飭再四而亡賴之徒奉法
唯謹於是上下一心萬衆響應邪詐湏洞聲震陵
谷無翼而飛不脛而馳右涪左夔望質如歸連艘
率簿蔽江東下計八千餘株參天翳日皆清廟明
堂之選也木政告成里中縉紳士民動顏相慶移
書不佞曰自中丞視木政凡六稔矣博考前事罔
不以民采者大戶義民隨意僉報編夫派米需索
津貼剝膚椎髓民不聊生白骨枕藉自李直指方
麓公首倡官采之議僉曰然中丞接部檄毅然以

通志卷之六
官采從事蓋二百四十餘年所未有也而奉行自
中丞始是役也派木二萬四千六百有奇價至四
百萬而僅加一歲賦仗國家威德幸告竣事皆中
丞之有造於三巴也太史盍記之以垂永永史輝
氏曰吾生又二歲一甲子耳而采運凡四髻時聞
長老傳述猶髣髴記之逮丙申采運則典在太史
矣大都肅皇末政權焰四爍訶讓聲嘗自二千石
以下義民大戶惴惴股栗僅僅成事丙申之役民
夫餒死相望數郡怨苦之蓋吾生與木政俱今而
後知木之有政也先是嘉州守徐學周目擊采運

之苦著采木哀鳴錄款列凡六難中丞公讀而傷
之曰險阻艱難誰親於其身嘗之者誠嘗之雖曰
百難可也故木政雖督厲勤至而撫綏愛養殆不
遺力云往中丞貴邑少司空楊公和洪熙元年奉
命采木於蜀至今二百餘年而中丞再領茲役焦
唇乾肺以爲民求萬有一分之便因以想見楊公
之苦心焉以不恆有之役不忍見之苦而一邑之
中中丞與司空兩肩其事豈不異哉夫人臣之誼
不過捐軀爲國耳然用之伐叛剿逆則功高而名
顯用之采木則竹帛不書人固有幸不幸耳雖然

漢柏流香泣秦彌甚海濱騰葉望雒長飛弱植表
異於一時而光物必傳於後世王彌胡寬名且不
泯安在其竹帛不書邪今中丞洞曉物情妙施調
劑算無再計舉卽萬全掃民運而爲官導經營之
大窾若喬中丞者可謂高出千古矣續補全蜀藝文志
天啓間設督木道一員駐札涪州招採木商人任文
鼎等領銀入遵義屬採辦無成拘任文鼎等下涪州
獄追銀明末張賊入川始越獄逃去陳志

國朝

康熙六年工部議建

太和殿需用大楠木請

勅下四川湖廣等處督撫稽查現有採就木植或山中出產

木植長徑尺寸根數需用錢糧確估限文到兩月內

報部酌議七年四川巡撫張德地親至遵義等處踏

勘云木雖有山險無江難于挽運先後題報三疏備

陳艱險康熙八年二月內奉

旨修造宮殿所用楠木不敷酌量以松木湊用已經有旨令

著停止採取該撫速回省城料理地方事務乃罷遵郡紀事

附張德地題報勘採遵義地方楠木疏略題爲請

旨事康熙六年九月初一日據署四川布政司事按察使李

狝霄呈稱八月十四日准遵義道移據遵義府據
正安州申稱遵郡原係播彝舊地改土設流山瘠
土薄從未產有長大楠木卽間有產者并不堪大
工之用且正安不通水路由綏陽桐梓綦江重慶
入江其陸路之險奇峰深壑斜坡側徑空行之人
攀躋維艱若拽運重木動經多人則寸步難移倘
遇直路每日尙可那移一二里一遇轉折曲斜不
能掉轉查平播在明萬厯年間彼時地方蕃庶人
民稠密從未運出一木若不預陳終難結局除一
面細查木植夫匠數目道里遠近造冊申報又據

桐梓縣申稱縣屬蘆溪里地名陳頭巖後水箐產
有楠木大小共一十二株除長短圍圓路程人夫
錢糧鹽菜等項備造清冊申齎但桐梓不通水路
必須運至綦江始能上筏入江萬山如懸一線鳥
道自改流以來從未運出一木況值此人力艱微
之日似有萬難者今奉憲駁理合具結申報又據
綏陽縣申稱查得綏陽產木處所實不通水路必
由桐梓綦江至重慶入江一路羊腸鳥道峭壁懸
巖空行之人亦難若登天如拽重木必需多人一
遇曲折狹徑并深澗斷壑必架廂填砌砍伐方可

一日拽移二三里邊造奉冊具結申報又據仁懷縣申稱縣屬雖有所產楠木皆在深箐人跡不到之處至於砍伐非比平地木植可以隨用斧斤高箐之中必須找廂搭架多人夫纜索方可修巔去頂盤根此砍木之難一也若夫產木處所盡屬危巖峭壁卽空行尙須扳藤附葛楠木一株動須人夫百千方能拽動而山路險窄亦難立足山勢曲折不能并走勢必開山填砌找廂搭架所用人工夫非比泛常拽運工程難以日計此搬運之難一也至於上筏之處必由河溪水道而山谷一線涸

水皆係亂石填阻若非天雨旬日則水不盈尺勢必從下流築堤截壅蓄水丈餘方可順流拽運然須逐路築堤蓄水始能前進若遇頑大亂石阻當又必多用石匠鑿去振洩漏水相地形之高下用轉移之權變事難爲程限此上筏之難三也憲行駁查不得不據實申報又據遵義縣申報縣屬原無產木不致隱匿甘結申報各等情到府該卑府覆看得採取楠木奉督撫兩院駁查今據正安桐梓綏陽仁懷四州縣回報因并遵義縣不致隱匿印結等因到道該本道覆看得正綏桐仁四州縣

造報楠木根株并陸續轉江以及需用人夫錢糧等項逐款登答前來覆核其木株之多寡冊內已各稱某地產幾株長若干圍圓若干矣覆核其水陸運之所經冊內已各稱從某至某矣獨是每株大小應用夫數并估報口糧鹽菜既無成例可以折衷惟有伏候憲裁酌奪耳等因到司該本司查看得楠木乃

欽工之必需蜀當繁庶之時培植頗多柰自蹂躪之後濱水州郡及腹內稍坦之地人跡所到無不焚燬殆盡且二十年來荒草茂盛以致佳木凋落故棟梁

之材絕爲稀少本司自奉行後仰遵部限屢催查報柰各屬俱報十無一有卽再三嚴駁不過願甘具結今幸催到遵義道查報樹株長徑尺寸前來竊幸可答部命但慮深山大箐峭壁懸巖人跡從來罕到距水最爲隔遠現在踏勘猶號艱難則將來伐運之費誠不易爲力也除各屬具結嚴駁合將遵義道所報樹株冊籍呈報憲裁具題等因到臣據此該臣看得部行需用楠木事關

欽工何敢草率溷覆業經咨部展限在案實因蜀罹奇慘之後民物盡絕卽巨樹良材咸遭焚伐且無培植

求其千百年長養拱抱堪爲

朝廷棟梁者誠不能如當年之可指畫而得也臣查蜀誌所載馬湖永播素產楠木屢經嚴檄駁催今據署布政司按察使李紳霄造報遵義府屬查勘樹株尺寸夫匠錢糧數目前來其樹株之果否合式堪充

上用臣等未敢懸定應聽部議作何分別酌量示行卽此現在查報之木亦俱產於林箐深麓之中巖險谿窄採運倍難拽移至江萬分艱遠需用夫匠浩繁所費錢糧不貲既據該司呈報到臣自應先行據實

題報以聽部核除將原冊印結送部外臣謹會同督臣苗澄合詞具題伏乞

皇上睿鑒勅部議覆施行陳志

又採木條議疏題爲敬陳採辦楠木之法上可無悞

欽工不致糜費錢糧下可確實辦運不致累及殘黎事竊照採辦楠木關係建

殿急需臣冒險夷方遍至產木處所盡爲查勘前至馬湖竝遵義查出楠木株數丈尺圍圓另疏題報外臣查各州縣所報之木雖有大小長短之不同臣親

披荆負棘直至各箐山頂踏勘而棟梁巨材各箐之中大約皆可採辦以資

國用但其箐之大者周圍有五六百里其小者亦有一二百里非一朝一夕可以盡悉必須按日細查方可採取如離小溪五十里至百里者猶可採運若百里之外者山勢愈峻道路愈險雖有大木無可如何臣隨傳綏陽縣查出舊時木廠附近居民吳之璽梁維棟任明選等三人親問採木之法據供故明時綏陽設有一廠地名南宮北掃當日設有督木道一員駐涪州有督木同知一員專管錢糧架

長斧手俱係湖廣辰州府人奉上司文著落辰州府召募來川人夫係本官召募架長看路找廂找廂者卽墊低就高用木搭架將木置其上以爲拽運之說也斧手伐樹取材穿鼻找筏人夫拽運到河用石匠打當路石篋匠做纜子鐵匠打斧頭與一應使用器具一廠用斧手一百名石匠二十名鐵匠二十名篋匠五十名找廂架長二十名楠木一株長七丈圍圓一丈二三尺者用拽運夫五百名其餘按丈尺減用沿路安塘十里一塘看路徑長短安設一塘送一塘到大江九月起工二月止

工三月河水泛漲難以找廂放工先於七月內動人夫五十名尋茹纜皮堆集廂上取其滑以拽木每夫日支米一升僱工銀六分斧手架長日支米一升僱工銀一錢督木同知將放出木頭赴督木道交割八十株找一大筏召募水手放筏每筏用水手十名夫四十名差官押運到京等語據此又據署遵義府事成都府通判馬御世會同各州縣列款條議到臣臣酌古準今因革損益恭列數款爲我

皇上陳之

一督木之官宜專也臣查故明採辦設有專官

管理木廠一應錢糧出入召募夫匠等事此其專任今以臣管見於馬湖應設一廠遵義應設一廠每廠用督木同知一員凡採辦事宜專其責任令其設法分頭覓採果能廉能辦事急公奉法則聽臣獎勵若糜費錢糧擾害地方聽臣題參一切錢糧出入木植已完未完聽臣綜核報銷庶賞罰明而知懲勸錢糧不致糜費地方不致擾害而

欽工克有濟矣 一夫役宜預爲召募也產木之處人民無幾卽盡其州縣之老壯男婦不過一二百人卽俱充木夫不能運一木況大工一舉刻不容緩四

川有土無民久在

睿照勢必於附近富庶省分募人夫五千名押送來川分給兩廠拽運庶人夫既足方可按時採辦計日運解不致有悞限期 一斧手架長宜提取也查採木舊例斧手架長俱出湖廣辰州府其斧手砍伐穿鼻架長尋路找廂皆其慣習各有定法若不得其人木料必致撲損勢必於辰州府召募斧手二百名架長四十名押送來川分給兩廠庶安頓布置得宜而巨材易於伐運矣 一棟梁之材宜請定式也若不先定丈尺株數則錢糧夫匠之多寡難以懸度合無請明長若干丈圍圓若干丈定爲號數若干株以便按式採取若木數既定則木植之大小距江道里之遠近用工之多寡方可照數估計錢糧確實不致浮冒 一錢糧宜預請撥也四川遠在天末若待起工方請部撥而往返稽遲動需半載未免有悞大工合無俟內部議定合式楠木若干株預行酌撥錢糧若干兩先運來川以資夫匠工銀米菜之需有餘則存留別支不足再請撥給總於運木到京之後總造清冊報部核算庶錢糧既足不致臨時掣肘 一木商斷不宜用也

本政

臣查故明初年專官採辦事克有濟及至末年信
用木商領銀採辦一經入手任意花銷且於採木
地方動以皇商爲名索取人夫種種擾害以致里
民驚逃銀歸烏有究竟竝無一木得濟實用雖將
奸商監迫徒株連無辜終無抵償此輩係亡命棍
徒又無功名可戀身家可惜是以斷不宜用恐致
糜費錢糧貽害地方 一找筏完結入江起運宜
逐省撥夫遞送也蜀省到京水程最遠約有年餘
若不逐省遞送誠恐沿路遲滯查馬遵二府小溪
俱會合於重慶大江由重慶而下夔關徑通湖廣

若木植運抵楚界必須逐省沿途州縣撥水手人
夫遞送前去仍各具不致耽延印結報部庶各有
專責無違滯之虞矣 以上七款出臣管見至於
需用夫匠錢糧必請自部撥若責令僱募夫匠到
廠之日照舊時採運之例匠役架長日支米一升
銀一錢夫役日支米一升工價銀六分而犒賞之
費不與焉若於外省提撥但於日支米一升之外
量給鹽菜銀兩而已應否採擇統候內部從長議
覆請自

睿裁康熙八年二月初四日題通志

按德地三疏其一與遵義無關茲不錄

二十二年奉部文採楠杉二木郎中齊檣會同四川巡撫杭愛踏勘部議令各官捐俸採運會馬湖知府何源濬署下南道條陳五事部議杉木免運楠木仍運一半會新撫姚締虞悉蜀情形

陛辭面陳難狀

上諭令親查可否締虞至蜀與稽檢率本省幹員減從裹糧身歷險阻據實以

聞適松茂道王隲陞口北道人

覲縷陳山險菁深水微溝曲累民費帑終無實際情由奉

旨停免先是稽締虞入遵沿菁探勘合法者識焉地方官民

護視惟謹至停免檄下乃已遵人曾鐫石紀其事立

今學院旗培處惜不存總辦

附王隲疏大工需材甚殷民力實寡謹陳見聞仰

祈

睿鑒以免遺悞以安殘蜀事該臣案康熙二十四年七月初

一日工部議覆四川巡撫韓世琦題報採運楠杉

捐輸銀兩數目竝稱全蜀戶口寡少夫匠等項請

派附近之陝西湖廣等省分協幫一疏奉

旨四川人民稀少且屢經兵火困苦已極採辦楠杉等木甚

是艱難起運若派別省民夫絡繹解送必致大累小民今各省所報起解木植數目曾否足用著查明確議具奏見報之日全蜀臣民莫不感泣嵩呼咸頌我

皇上明見萬里之外幸蜀省鋒鏑殘黎瘡痍未起復慶更生有路也後經部議各省應解杉木足用將四川應用杉木四千零五十五根免解所有各省應解楠木不敷梁柱等項於四川所報需用楠木四千五百零三根內扣除免運共一千八百餘根仍令運送二千六百六十三根奉

旨依議欽遵在案是四川楠杉二木邀

恩已免十分之七矣建造

太和殿近係外國之觀瞻遠係

聖子

神孫萬年之基業採運木料臣下職分子來共在民心艱難豈忍置喙但事有勉強竭力而後可爲者有勉強竭力而終不能爲者臣在蜀五載略有見聞今當代覲敢避斧鉞不以入告上負

皇上視民如傷之念下負臣子事君盡忠之義所有蜀土山川險易之勢蜀民轉運艱苦之情敢爲

聖明陳之蓋四川四面環山巉巖虧蔽惟城都府境左右

稱平行所產并無大楠臣曾出勘產木處所如沙坪灌口賈家山何家山等處俱屬峻嶺懸巖運路自山抵江或百餘里或七八十里所經由者俱屬深澗幽壑一溪之行紆折幾盤必費多力而始轉一石之塞橫亘長川必待暴水而後過較他岡阜迴逾千倍此臣之所見也至若遵義馬湖等府之楠木大材尤俱產諸高山窮谷老箐密林之中非獨人跡不到卽鳥道亦稀前撫臣杭愛登山督察時遙望一木所在必縶拽始至其地足胝履穿攀藤骨戰側身亦苦難立砍伐何以施工臣嘗細訪

輿論皆謂今存大楠因其斧斤難施所以在山長年至於運道崎嶇罄竹莫盡其尤甚者如遵義府屬之落水孔猪鬮孔細鱗洞麈子峽曲折之字拐彎天生橋三個洞葫蘆洞水從洞中流出又下魚硎須搭天橋長三百六十餘丈等語馬湖屬內則有高硎赤巖黑巖偏橋板鬼溪猪鬮巖弔藤巖九溪三渡水等處峭壁乾溝亂石壅塞山水旋長旋涸不能濟運等語此臣之所聞也卽以參考古法採取必須找廂搭架拽運必須墊低就高輾轉上下木在溪澗利於泛漲木在山陸又以泛漲爲累

故陸運必於春冬水運必於夏秋忽水忽陸非可
一直而行計日而至其大概然也臣伏讀

諭旨採辦楠杉等木甚屬艱難固已密悉

聖聰矣如使民力稍可足用竭力所當勉圖顧四川幅員雖
廣滿目祇有荒煙百里竟無半竈當進兵運糧時
疲病死亡鄭圖難繪臣伏讀

諭旨四川人民稀少且屢經兵火困苦已極又已密悉

聖聰矣幸托

天威蕩平數年以來老弱安生瘡痍漸起但以通省之戶口
總計之仍不過一萬八千九十餘丁是合全蜀數

千里內之人民不及他省一縣之衆就中抽撥五
千入山採辦楠木其供送衣糧器具者勢不可少
又將千百遺發饋送動用遠者千里近者數百里
耕作必致全廢

國賦誰爲輸將且度山度嶺多恐失墜風棲露處怵懼虎
狼種種情狀不能殫述且蜀值風鶴之後民情慣
聽訛傳前察木時工猶未動聞風私逃攜妻挈子
拋棄室家若實在動工用夫之際豈不遠則他徙
近則走險乎其採運之艱難人民之稀少民情之
搖惑如此四川楠杉雖已解運十分之一而所運

用之大木二千二百六十三根斷不能如他省之
解運者可以按數按期而至也

殿工不容少稽川運誠恐致悞臣請

勅四川撫臣姚締虞親詣產楠處所查勘應運楠木有設法
竭力可以砍伐者共若干株有雖設法竭力而不
能砍伐者共若干株其不能砍伐者俟奉

旨之日定奪其可以砍伐者星速採取趨運俾百姓曉然共
知惟視其力之所可爲而不強其力之所必不能
爲各守本業踴躍從事不致狂惑竄匿庶殘疆不
遺頂戴

皇上如天好生之德同覆載以無疆而工料亦見實効矣臣

巴蒙

恩陞任口北道參議運楠事宜固非職掌但臣任蜀已久熟
悉情形仰體

皇上愛養小民軫念殘疆至意敢就在蜀所見所聞披瀝實
陳事屬條陳運楠事宜字多逾格貼黃難盡如果
芻蕘可採伏乞

睿鑒全覽施行四川通志

雍正四年建造

萬年吉地需用楠杉木植等項奉

木政

旨工部查照舊例啓奏朕亦不便改換例但楠木難得如果不得卽松木亦堪應用其備辦此等木植自京城差遣官員未免騷擾地方卽交與總督巡撫著動正項錢糧地方官果係實心料理如不尅漏錢糧事情自然有濟欽此四川巡撫憲德等遵辦自六年起至十一年止共採合式楠木一千七百三十八件半黔江縣知縣鄧州彥夔州府通判汪志敏保寧府同知王愿彭縣知縣王煥墊江縣丞彭阼等先後分運赴通交收附憲德疏畧據布政使管承澤詳稱除移川東道通行所屬一體遵照採買購覓及續據不產楠木

之各府廳州縣出具不致容隱印結在案惟據產楠木之馬湖府屏山縣巴縣廣元洪雅犍爲丹稜宜賓汶川井研納谿遵義正安綏陽仁懷桐梓南川等府州縣各詳稱所產楠木必得能通大江附近水次者方能轉運今所產合式楠木俱在萬山之中盡屬懸巖峭壁旣不能直達大江又無附近水次難以砍伐運送等情除陸續駁飭再加確查果否難以轉運外查有附近水次稍易運送之崇慶州眉州雅州灌縣四處已得合式楠木一百四十四根枋十一塊應請先行採辦起運送京所有

已得楠木件數丈尺徑寸一併造冊呈齎等情前來臣查既有附近水次合式楠木一百四十四根枋十一塊應卽先行運送以應

欽工隨檄飭布政司動支庫銀分發崇慶等四州縣照時價給發不許分毫尅扣作速採辦起運至重慶府交總理川東道參議陸賜書專員送京除咨會採辦楠木各省撫臣竝冊分送部科外理合題報至馬湖等府州縣果否難以轉運現在嚴檄確查其採辦運送合式楠木一百四十四根枋十一塊動用銀兩數目容臣檄令核實造冊另疏題報

乾隆十五年

萬年吉地工程需用大楠木一十二根夔州府知府許國棟於黔省桐梓縣屬之平頭山石笋溪等處採辦一十二根餘木二株保寧府通判楊道國管運赴通交收二十四年復需大料楠木六根重慶府知府林興泗江津縣知縣彭維銘於黔省桐梓縣屬之石河觀夜郎坡等處採獲六根候補同知孫暉管運進京並同上

遵義府志卷十八

遵義府志卷十九

阡冶

唐志載濠州土貢丹砂而採冶無聞焉宋阡冶在川湖者數十所元歲課朱砂水銀于四川思州鉛錫于湖廣靖州明礦冶在川湖雲貴者幾于無處蔑有然皆不及播可知丹砂諸物非遵義所常有不得以前代曾經入貢視爲定產也

國朝以來丹砂銀礦採驗無效白鉛則旋開旋停非明徵歛宋志曰山澤之利有限或暴發輒竭或採取歲久所得不償其費而歲課不足有司必責主者取盈

重爲民累遵義冶場卽坐斯病自嘉慶初

恩旨嚴行封閉仍罪私開遵民仰沐

深仁永得聊生安業矣茲具著探停始末俾來者考其無益

勿輕言利孔也

康熙二十九年遵義縣平水里報產丹砂請設廠開採遵義府知府蔡毓華往勘諭之曰丹砂產于土厚薄可知只藏奸害民遺累地方耳不許臺司已聞之欲開採復詳止之遵義縣

康熙四十四年川楚無業游民復報遵義縣產砂之地與產銀礦之地在北鄉者大籬壩西鄉者小紅關

東鄉者曰對插埡巡撫能提督岳鍾琪各遣官來

遵協同地方文武踏驗以無濟止不開採同上

雍正十年開採正安州江里銀窰山鉛廠無效旋奉

文封閉蘆洲詳贖

乾隆四十二年貴州巡撫圖題准開採遵義縣新

寨綏陽縣月亮巖等白鉛廠每出鉛一百斤抽課二十斤官買四十斤通商四十斤其抽獲課餘鉛斤運赴二郎灘供兌京鉛無歲課定額是年共出鉛一百餘萬斤四十三年以後每年出鉛僅二三十萬斤之間尋復遞減至六十年遵義府知府嵇承孟以硎老

山空具詳嘉慶元年貴州巡撫馮光熊題奏奉

旨封閉

蘆洲詳贖

附嵇承孟詳查卑府屬之新寨月亮巖等白鉛廠
係乾隆四十二年內前撫憲圖題准開採每出
鉛百觔抽課二十觔餘鉛八十觔官員四十觔通
商四十觔其抽獲課餘鉛觔運赴二郎灘供兌京
鉛等因歷年遵照辦理竝無定額惟查該廠開採
之始雖草皮浮礦尙堪採煉自四十三年以後浮
礦挖盡卽行短絀每年出鉛僅二十八九萬至三
十萬觔不等較原案所載一百餘萬之數竟短十

分之七致奉部駁委員嚴查委係廠衰汁薄取結
加結詳奉覆准竝奉飭將廠費銀兩酌減在案前
任正署各府屢經設法調劑嚴督攻採無如該廠
竝無進山大礦不能有效旋將舊存灰沙淘洗冲
煉殊形竭蹙卑府到任屢經親身督辦飭令沙丁
竭力剗剗開採無如硎老山空所出鉛觔日少一
日在廠灰沙亦已淘洗淨盡若再因循勢必徒費
人工虛糜帑項所有新寨月亮巖等白鉛廠硎老
山空開採無益緣由不得不據實詳請封以省
糜累如蒙允准所有爐戶沙丁除別有事業先已

潛回者聽其自便其無業者卽欽遵

諭旨造冊移送別廠營生以免失所而杜滋事相應取具廠

民甘結加粘印結詳請查核委勘結報會詳

檔案

又抄咨戶部爲請封無益之礦廠等事廣西司案呈戶科抄出貴州巡撫馮光熊題月亮巖新寨等廠封閉一案嘉慶元年五月十四日題七月初十日奉

旨該部議奏欽此欽遵於本日抄出到部該臣等查得貴州巡撫馮光熊疏稱開採礦廠雖資人力全賴地利方能採辦今新寨月亮巖等白鉛廠據遵義府知

府嵇承孟詳二三年前俱係將廠中廢礦灰砂及近廠草皮浮礦淘洗冲煉方能報獲二十八九萬觔之數今礦引已盡又無子廠可採經護貴西道安順府知府檄委黔西州知州履勘竝該護道嚴加親勘委係硃老山空礦引淨盡該廠前後左右亦勘無一線礦引徒費人工調劑無益似應如其所請嚴行封禁以省糜累除將遵義府知府嵇承孟冊報乾隆五十九年八月起至六十年十二月底止出產鉛一十八萬一百六觔現在另行造冊報銷竝飭嵇承孟將存廠及二郎灘局鉛觔趕緊

鑄辦發運聽候撥兌外所有新寨月亮巖等廠硃
老山空礦引已盡應行封閉取具各結加具印結
由司詳報前來 臣覆核無異除將各結送部外 臣
謹具題等因前來查貴州遵義縣屬之新寨綏陽
縣屬之月亮巖等白鉛廠先于乾隆四十年據該
撫圖題明開採經 臣部覆准行令照例抽課收
買運局供鑄在案今據該撫疏稱新寨月亮巖等
白鉛廠近年俱係將廠中廢礦灰砂及近廠草皮
浮礦淘洗沖煉方能報獲二十八九萬觔之數今
礦引已盡又無子廠可採委員履勘委因硃老山

空礦引淨盡該廠前後左右亦勘無一線礦引徒
費人工調劑無益應嚴行封閉仍令該撫轉飭該
地方官嚴行封禁不時畱心稽察如有私行偷挖
卽行嚴拿究治其未封閉以前抽課收買鉛觔領
過工本並實存銀鉛以及未運鉛觔運腳銀兩卽
行造冊報部查核等因嘉慶元年九月十二日題
本月十四日奉

旨依議欽此爲此合咨前去遵奉施行

同上

按心齋隨筆遵義縣鉛廠在沙溪里泮水場側內
有大海子小海子各一乾隆三十八年知縣羅存

德具報開採至四十二年大有成效督撫將熟悉
廠務之大定知府姚學英對調遵義辦理學英隨
請建官房竝西嶽廟至六十年硿老山空大虧工
本知府嵇承孟詳請封閉

嘉慶十一年遵義縣民陳正興等仍請試採泮水鉛
廠嗣無成效于十二年封閉心齋隨筆

十五年二月知府福寧阿又據遵義縣民羅大興等
呈請試採泮水白鉛隨建官房一爐房二于十六年
三月水敗礮硿全無成效查實封閉竝距官房十五
里之福興礮礮硿二日一體封閉竝禁私採二十年

八月縣中游民呈請復開知府趙遵律親往察勘仍
行禁止同上

道光十一年十二月貴西兵備道周廷授以廠民單
永新等呈報遵義縣屬西沙溪里之通達坪羊腸溝
等處山間露有白黑鉛礦現開礮硿九口已得礦砂
百萬餘斤爲縣役及地棍占據私燒佯以全行封閉
誑縣官札飭遵義府縣嚴查知府于國琇知縣繆玉
成遵勘得通達坪黃家彎等處山形微小四至俱于
民間田園廬墓有碍卽附近之白銀山九龍崗毘連
之馬鞍山一帶地方俱曾于嘉慶十五二十兩年先

後奉文封禁應請永遠禁閉仍嚴私開役棍另案究辦

十三年十二月署貴西兵備道史斌復以遵義縣人周占先等稟報縣屬沙溪里之通達坪羊腸溝楓香壩九嶺崗乾河壩白巖溝茅坪一帶露有白黑鉛礦引苗民已于道光十年內合夥曾經開挖礮硿九口接獲白黑鉛礦八尺餘高六尺餘寬探出礦砂萬餘馱遭縣役占據中止請給開牌斌隨詳巡撫嵩溥咨部隨札飭遵義府縣給牌令其試採一年有餘所出鉛斤幾不敷工本至十五年六月貴西道周廷授詳

請咨部將新廠核銷札飭知府文明署知縣石煦將開牌徹銷所有礮硿永遠封禁

二十一年九月綏陽縣奸民熊仕宗等糾集游民於綏陽縣正安州接壤之野茶坦聚寶山天緣山新山等處私採銀鉛將置廠知府黃樂之以多病民間廬墓且奸宄易藏滋擾可慮民食正歉騰貴堪虞嚴示禁止十二月巡撫賀長齡訪聞復嚴札飭令封閉二十二年二月樂之親往勘封私礮並申永禁

並備冊

遵義府志卷十九

遵義府志卷二十

風俗

周官小行人適四方集禮俗爲一書政治之得失卽風俗所由美敝方志必詳此者固以備黃車之時詢而實守土者求治之要柄也遵義巴蜀舊壤民生其間至今尙柔弱褊阨精敏輕疾與班固常璩所言大致同而自改土以來流移來茲者皆齊秦楚粵諸邦人士著以長子孫因各從其方之舊相襍成俗而遺風未遠初亦有所染漬久之遂忘其自來各省之舊已多非美俗更沿土風益成惡陋而山川風氣生人

成性類多徑情任私不準以前憲不學子弟泰然安
行無或自稍覺其非者為賢令守可亦晏然坐觀也
乎今就見聞略為實錄五州縣大氏相同可不分載
易曰觀民設教小戴記曰修其教不易其俗是所期
於化民者

頗尚學業少威儀多怯懦

華陽國志

敦龐淳固以耕植為業鮮相侵犯天資忠順悉慕華

風

圖經

世轉為華俗漸於禮男女多樸質人士悅詩書宦儒
戶與漢俗同惟邊夷則椎髻披氊以射獵伐山為業

信巫鬼好詛盟婚姻以氊矢為聘粧燕樂以歌舞為
佳會凡賓客會聚酋長乃以漢服為貴出入皆佩刀
弩自衛至與華人交易略無侵犯

宋邊義軍圖經

自明萬厯庚子後土闢民聚俗易風移蠶桑殊少專
事耕農士愿而好學女貞而克勤及入

本朝士風尤盛人才間出土質而有文民樸而易治崇

尚氣節不恥貧賤勤耕織敦禮讓云

陳志

郡播而還人猶近古民多樸魯士尚謹醇曩經奇劫
巴渝族姓避亂茲土遂家焉漸染於鬻凌之習
郡邑風俗自漢迄明皆淪於夷及播平後又隣于水

西故一統志與輿圖所紀不曰慕華風則曰同漢俗不知由明以後已近百年士盡詩書人沐禮義弦歌揖讓之盛視一統輿圖之說大相懸絕並同上

冠婚喪祭不尚奢華人知向學深山窮谷猶聞弦誦聲雖夜郎舊地當與中土同稱通志

正安樸實淳厚以耕耘為生大略與漢俗同土人以元宵為年禮天神享歲飯尚未盡變故習正安舊志

桐梓境原屬播地隣綦南近中國之化家貧好學人務耕織信巫鬼好詛盟喪葬用鼓樂婚姻輕財尚燕會以禮崇慕華風桐梓舊志

綏陽敦龐淳固崇尚詩禮士多有守民敦儉樸夷俗悉除陳志

仁懷俗淳土瘠人性獷悍類分四種好戰鬥以劫殺為事刀耕火種不善絲蠶疾鮮用醫惟事巫祝婚姻世締喪祭用樂同上

按右所有夷俗皆舊志據時實紀以今視之如身在中天滿目卿雲溯洄獠狂氣象迴絕若概從芟汰反使問故俗者莫得源流故採錄於前詳條目見如左

婚禮壻家請媒氏求女氏第幾女為第幾子配女氏

許諾擇吉日卽備聘具華勝釵鐲等豐薄視家有無
必有拜書書壻父母名氏無父母書主婚者至日媒
奉香燭酒脯並聘具往女氏定婚謂之插香女氏酬
壻物亦視家有無將定婚期壻家具庚書列男之生
年月日時于左媒持往女氏謂之請庚女氏書女之
生于右復壻家亦有定婚時卽并奉庚書者女氏復
如之乃諏婚期報女氏先期數日擇吉納幣衣飾稱
其家謂之過禮女卽以是日卜吉者筭之開面梳髻
謂之上頭亦有至迎婦時旋過禮者女必先日筭屆
期鼓吹花輿往迎婦女氏以姑姊或伯叔兄送之必

夫婦雙至送者婦扶女出交拜扶入房壻家擇福壽
者視合卺亦必夫婦雙謂之結納畢啟賓筵明日見
宗祖以次拜舅姑及三黨舅姑及夫之期親女皆有
所奉亦視家有無三日入廚親滌濯謂之下廚從便
則合卺後卽皆行之擇吉日壻率婦往拜外舅姑謝
媒以酒脯亦有婚日壻獨往拜女家者謂之謝親壻
家遠者或往成婚于女氏後與俱還女氏貧或不及
待時嫁者送女往壻家養之曰小坐俟男女長而後
婚焉

喪禮死而斂入棺擇吉葬惟士家多久殯以待卜地

者屬纊後士民皆招僧道置魂旛設靈位曰安靈訃於親友告奠期至日親友具香燭醴饌往曰弔香至親富者或羊豕楮器備曰上祭有力家剪白布與纏頭曰開孝至親兼衣以白衣作木主請貴者點之貧家則否點主以夕設三獻之奠歌蓼莪講喪禮讀嘏告利成是爲開奠明日卽奠期始死七日一奠爲燒七至七七畢中或親友來奠皆焚楮錢用僧道行事過是則百期周年有力家或作道場否焚楮而已三年中擇吉日請僧道誦經上章盛造明器薦死者焚始設靈位曰除靈道場大小視其家貧或七七中卽除靈葬後孝子往送火烟三日上墳祀后土焚地別曰復山開奠葬前葬後隨其便必三年中大小祥及禫祭士家亦鮮行者

士民家必設香火位于中堂中大書天地君親師位旁列孔子文昌關帝竈神各紙牌多至十餘位少則通書一紙旁止二小行必承以板有神主卽置其上富者至爲龕鏤飾種種兼世奉釋道像至三五羅列板下位長生土地並朝夕焚香有禱祀必于此士家或別建宗祠然百不一二李鳳翔曰非其鬼而祭之諂也冬至祀天于圓丘夏至祀地于方澤天地非其

時不祭非其地不祭非其人亦不敢祭也孔子大聖
關公文昌明神列于家庭褻地可乎苗鬼牛神僧道
女尼雜于家龕俎豆之中于理非宜且祖宗之靈亦
有所不安也嗟乎時俗之蔽可以思矣卽以二教言
之好清靜惡紛煩者道教也今煙火堂中呱兒啼女
雞犬嘈雜確磨喧聞不幾濁穢道德乎不飲酒茹葷
者佛教也今不聞伊蒲一供惟用酒醴三牲彼西方
佛子南海白衣其肯爲我破戒乎可爲一笑
士民以正月十五七月十五爲大節陳祭饌焚包楮
祀其祖先元旦薦湯圓粉餅端午薦糴除夕薦年飯

惟士家祭祖父生忌日

士民正月元日夙興陳茶果焚香燭于堂衣冠拜天
地祖先祝

皇帝萬歲卑幼各拜尊長始開門放爆竹向吉方行拜喜
神謂之出行持香楮往寺觀拜佛道像各至本族家
及祖墓賀歲謂拜年遠者及隣戚他日次第賀之城
市多以小紅刺書某恭賀貼于門不必躬拜他日各
招親友聚宴爲年酒鄉則必躬拜親友多者盡正月
皆燕食也故俗稱爲酒肉開花時親友往來必有所
攜歸必有所包市人擇吉開張書童擇吉上學必于

旬內初九日爲上九俗傳玉皇生日士民夙興設茶
果香燭致拜自十三日之夕家各于其祖墓前點燈
焚香楮盡十六日止雖遠必至雖貧必點一夕十四
日陳饌祀祖先焚楮包謂上元焚賻十五日晨焚楮
於門外諺云火燒門前紙各人尋生理自人日後燈
唱喧闐一國若狂盡二十日止中旬以後婦女始取
次往親族家諺云青草蓋牛蹄姑孃拜年時二月初
三日士民釀金祀文昌三月清明前後十日各剪白
紙標掛祖墓上芟穢增高或男女皆適墓陳饌祭之
餽餘而歸若歲氣暖農家以清明下種謂清明秧二

十八日郡中作東岳會最盛五月五日爲端陽節家
以箬葉裹糯米爲糉飲雄黃酒菖蒲酒懸艾人蒲劍
於門剪綵組爲五毒物及猴猴置小兒肩背以雄黃
抹小兒面孔謂辟疫避蚊六月二十四日各釀錢祀
川主宰牲歌舞或數日始罷七月十五日陳饌祀祖
先焚包楮謂中元焚賻多於十三十四預行之八月
十五日少年或摘瓜送艱嗣者飲燕以爲娛樂九月
九日煮蜀糶爲哂酒謂重陽酒對年飲之味絕香老
十二月二十四日夜陳餚餚焚香楮祀司命爲送竈
多於二十三日預行之除夕復然爲迎竈送竈以後

宰豚斃酒春菜粉磨米餅盛作歲食以供新年點茶
包餽換楹帖掃棟宇凡市日日聚謂趕花場二十日
陳饌祀祖先家人聚食謂食年飯卑幼拜尊長謂辭
年夜各不眠謂守歲每歲或正月或二月各釀錢建
道場祀瘟火蟲蝗之神曰平安清醮三月三日六月
六日九月九日各釀祀本境土地之神以爲祈報
邵俗遭喪未卽殯葬其戚里往往釀酒米脯菜夜會
喪家辦奠具卽以燕飲謂使其家不悽寂曰伴夜深
宵聞號呶之聲喪主極周旋之苦考峒溪纖志言苗
人親死則聚親族笑呼歌舞謂之鬧屍又曰唱齋是
伴夜者舊著之遺惜人皆無知者

婚禮十無一親迎者古之禮人子有事無不受命子
之娶也父命之授以鴈往至女家再拜奠之以明親
受於父母父母不在則受命於主祏所謂布几筵告
廟而來也故曰授室今旣不親迎又不命子女之來
壻與交拜花燭而合昏爲父母直若不知此事者是
誠何禮也且更惑建除家言曰某日執翁姑則女人
門時翁姑必遠走潛避須不聞鼓吹聲以避其殺可
笑尤甚是不獨遵義然誠怪事也
負屈莫白力求自明其神前惡誓者曰賭呪其執維

雞當屈之者門或神祠中伸其冤懇其報瞥斬其頸
者曰砍雞其至寺觀中取藏經布地赤身袞其上呼
冤求報者曰袞經其取神像供龕中或樹下朝暮焚
香求報者曰憑神此惟憑神無大害彼家或適有死
者曰獲報矣已有之則噤聲否亦遲久各休息惟砍
雞袞經賭呪三者十九出於無良之徒曲實在已昧
冒行之曰吾心明矣已偷竊必令彼洗盜名已欺奪
必令彼授所負而直者轉爲所曲吞聲不能更言噫
世安容此澆惡也並田居鷲室錄
蠻獠有事急辨不明則對神祠熬油鼎謂理直者探

入鼎中其手無恙愚人不能憤激信以爲然往往焦
潰其膚莫能白其意者此習土著之民亦皆從之少

抱微冤動以撈油爲說峒溪織志

歌舞祀三聖曰陽戲三聖川主土主藥王也近或增
文昌曰四聖每災病力能禱者則書願帖祝於神許
酬陽戲既許後驗否必酬之或數月或數年預潔羊
豕酒擇吉招巫優卽於家歌舞娛神獻生獻熟必誠
必謹餘皆詼諧調弄觀者哄堂至勾願送神而畢卽
以祭物燕樂親友時以夜爲常李鳳翽曰按三聖者
藥王大抵如岐黃俞跗之屬至土主黑神二公生爲

人傑死爲明神其正氣常留於天地之間竭精誠以
祀之猶懼不歆况以巫氏之戲侮將之耶夫不以人
之祀而福之亦不以人之不祀而禍之所謂正直之
爲神也苟以疾病災苦之故於鄉曲間受媒媪之祭
鄉黨自好者不爲謂二公爲之乎土主有順應廟黑
神有忠烈廟漢唐以來歷代優崇守土者春秋蒸享
不絕此禦災捍患有功於國者所爲食報千秋也世
俗之愚不考所自來不足責而明理之士亦惑於巫
氏邀福瀆神不思之甚也

蜀語男巫曰端公仁懷志凡人有疾病多不信醫藥
屬巫詛焉謂之跳端公田居蠶室錄按端公見元典
章則其稱古矣今民間或疾或祟卽招巫祈塞驅逐
之曰禳儺其儺必以夜至冬爲盛蓋先時因事許願
故報塞多在歲晚諺曰三黃九水臘端公黃黃拈水
水牛皆言其喜走時也其術名師娘教所奉之神製
二鬼頭一赤面長鬚曰師爺一女面曰師娘謂是伏
義女媧臨事各以一竹承其頸竹上下兩篋圍衣以
衣倚於案左右下承以大椀其右設一小案上供神
曰五猖亦有小像巫黨椎鑼擊鼓於此巫或男裝或
女裝男者衣紅裙戴觀音七佛冠以次登壇歌舞右

執者曰神帶左執牛角或吹或歌或舞抑揚拜跪以
娛神曼聲徐引若戀若慕電旋風轉裙口舒圓散燒
紙錢盤而灰去聽神絃者蓋如堵墻也至夜深大巫
舞袖揮訣小巫戴鬼面隨扮土地神者導引受令而
入受令而出口放五猖大巫乃踏闕吹角作鬼嘯側
聽之謂時必有應者不應仍吹而嘯時擲筭筭得謂
捉得生魂也時陰氣撲人香寒燭瘦角聲所及之處
其小兒每不令睡恐其夢中應也三家亦然間有小
兒坐立間無故如應人者父母不覺常致奄奄而斃
先必斬茅作人衣禱者衣履至是歌侑以酒肉載以
茅舟出門焚之曰勸茅送茅謂使替災難也事畢移
其神像於案前令虛立椀中歌以送之仆則謂神去
女像每後仆謂其教率娘主之故迎送獨難云考峒
溪纖志言苗人臘祭曰報草祭用巫設女媧伏羲位
則此乃相沿苗風也今士夫家亦行之沅湘以南尚
巫鬼自古而然固不足怪特其捉生魂替代大與滇
人之埋魂放蠱同干法紀聞昔數十年大巫多有傳
授迎者極恭敬禮謝亦豐今其教衰且賤業者餬口
而已地方官若禁其泰甚必今日教下明日卽不爲
亦古人因其教不易其俗齊其政不易其宜之意也

胡端禁端公論黔蜀之地風教之至惡者莫如端公
不悉禁必爲大害吾嘗觀其歌舞跳躍盤旋苗步也
曼聲優亞苗音也所稱神號苗祖也是蓋苗教耳而
人競神之何哉或以謂此巫教巫教雖古聖人亦不
禁且楚巫之盛自周秦來非一代矣何傷乎嗟乎以
吾道論卽楚巫亦不可尙何況苗教而人之神之者
泮肌膚淪骨髓今日卽訾以媚苗渠亦不自愧也可
哀也哉彼苗之言曰吾有疾勿藥神能療之吾有仇
欲報祖能殺之且吾蠱食以召人殺牛以祭神得失
吉凶吾師皆能先知之於是羣躍曹歌以靈其神且

以其術惑漢人而爲端公者亦不自知爲苗所惑遂
羣起效之以爲衣食技而又引古之巫以自尊決禍
福假於神以誑煽婦女小民無知亦信其家人婦女
之言遂燒香許願敬其神畏其鬼爭迎端公至家歌
舞以禱焉其狡焉者又或結連匪黨迎端公於深山
大箐之中殺雞醺血指神稱誓以爲生死弟兄互相
劫掠於山澤間往往爲鄉民害吁端公之教惡至此
延蔓不治吾恐多事之秋巨奸大猾假其鬼名以號
召亡命則張魯孫恩之徒未必不非其人也故曰不

悉禁必爲大害

端乾隆
未貢生

蜀語壇神名主壇羅公黑面手持斧吹角設像於室西北隅去地尺許歲暮則割牲延巫歌舞賽之考炎徼紀聞曰羅羅本盧鹿而訛爲羅羅有二種居水西十二營寧谷馬場塘溪者爲黑羅羅曰烏蠻居幕役者爲白羅羅曰白蠻俗尙鬼故曰羅鬼今市井及田舍祀之縉紳家否杜子美詩曰家家養烏鬼卽此也養讀去聲注杜詩者以烏鬼爲鷓鴣或云猪皆非按奉壇神者其神以徑尺之石高七八寸置於堂右倚壁曰壇等上供壇牌粘於壁旁列壇鎗其牌或書羅公仙師或書鎮一元壇趙侯元帥郭氏領兵三郎兩旁列稱號數十名皆不可究詰每歲一祭殺豕一招巫跳舞歌唱徹夜謂之慶壇畢張白紙十二巫自劃其額瀝血點之粘壇側謂應十二月之數或曰世奉此可致富稍忽致家道不昌李鳳翽曰家堂非可設壇壇亦非可祭於家或謂古蠻祭也或謂趙侯郭氏蓋古開邊名將有功茲地者如此是亦明神也何自來並無傳聞耶又何僅祀民家而處褻侮之地耶余觀其牌所列並謬妄不經必古之巫者譎造以惑村愚耳余叔購一宅其堂舊有此神叔負之擲陵谷間究無他事信則有否則無何俗人之不悟也

土地鄉神也村巷處處奉之或石室或木房有不塑像者以木板長尺許寬二寸題其主曰某土地塑像者其鬚髮皓然曰土地公粧髻者曰土地婆祀之紙燭穀酒或雄雞一俗言土地靈則虎豹不入境又言鄉村之老生而公直者死爲之按土地不一有花園土地亦爲災於小兒祀之花園者也有青苗土地農人所祀有長生土地家堂所祀又有欄垵土地廟神土地等皆隨地得名青苗土地主農事者也山農祀以七八月平地農祀以四五月以白紙錢供於田塍謂之田工老此蓋八蜡司嗇之神時俗祀之而失其

義者也長生土地卽五祀中雷之神俗祀之家龕下別置一龕題其主曰后宮瑞慶夫人以中雷爲夫人其說謬誕不經士家亦供此牌尤可笑覺軒雜著

龍江老訟神也訟者祀之豚一隻祭畢折豚左肩視之有紅紋者吉黑者凶以此驗勝負李鳳翽曰此兩造所必祀之神原告者必敬必誠跪而祝之曰得勝被告者亦祝曰得勝天下理惟一是勢無兩勝神其以祭之豐嗇爲勝負耶將執理之曲直耶抑東倒羊頭西倒猪頭爲齊女兩袒耶神亦難自平反也嗚呼俗人之愚可以悟矣聞賊盜亦祀龍江不用火燭以

酒脯黑地奠獻其綠林之黨萑苻之魁歟是不可知也

四官爺財神也俗稱西溪洞中求財打寶四員官將鄉市間家供此牌祀之錢馬香燭酒一瓶列四杯肉一方謂之刀頭置刀樵上旁盛鹽椒水降神奠獻畢各執杯酬飲切肉點鹽柑食李鳳翽曰西溪五溪之一神蓋祠人也同按正安舊志有三撫老穆相公祠云太原楊端居播有善政播人立祠祀之稱爲三撫老穆相公附以嚴唐羅冉爲四官財神至今徧祀俗遇疾輒許泰山預備祭品至冬宰豚醮酒招巫酬

願謂之還泰山李鳳翽曰泰山鎮東方視三公國君之祭也季氏以命卿旅猶無益巖巖之靈爽反居歆民庶耶鄉愚不足論詩禮之士亦貿爲隨俗其亦聞

孔子嗚呼之歎乎

贊軒雜著

俗以茅葉卜吉凶謂之茅草卦

傷鬼路鬼也中之頭痛身熱或沉迷不省人事始以茅葉一挽標埽周身隨以紙包茅置香龕謂之願標招善禳者造花盆置標於中香燭酒脯夜送至三叉路頭祭畢傾祭物於地其盛器擲破之鬼箭鬼所操以射人者人或中之不急救或死畜

產中之亦然治之以雄雞掃其身即愈人則探其痛處以雞子環滾之剖視其黃有黑影有箭影以此爲

驗

二分土地凡幼男女或腹痛嘔吐必禱之日暮以香三炷飯二盂每盂置雞子一枚二人送菜園中祀之畢二人食不畱餘歸李鳳翽曰不用紙燭酒餼此鬼之不貪者也或曰童孩病皆二分作祟或曰其痛號也禱二分而愈如前說致害甚大獲利甚微其罪重矣二分當押送大巫門下如後說惠以及人廉於處已其功爲鉅可置之小兒科中

罐箔神者以木飯匙紙糊之畫頭面束於箔梁縛扎如人形以小兒衣衣之幼女二人夜靜時於黑地以炷香繞其面祝之數四即搖動而來箔重如石執者不可易手易即去二人平執奉座中觴拜問事拱立俟之所問以揖爲徵如問晴則揖雨則否或戲之及煩數即頓立不動又有泥姑神以泥丸請扁担神以扁担請扁担神其靈更異皆村曲小兒女正月中所爲

新年鬧燈時切茅二莖曲其兩頭上如鉤下如人腳掌以小木枝長五六寸許對插立橫架一木枝以懸

正月用雞羽拂椽葉掠茅足祝之曰正月正特請茅
孃來看燈無娘單足來有娘雙足登其兩足如所祝
舉蹈不爽枝柱爲動謂之請茅孃通覺軒田居蠶室
錄異苑世人以正月十五日迎紫姑捉者覺重便是
神來奠設酒果亦覺貌輝輝有色卽跳躒不佳能占
眾事卜將來蠶桑又善射鉤好卽大舞惡則仰眠平
昌孟氏恆不信躬試往捉便自躍穿頂永失所在據
所言捉者必是所憑之物其法無明文今罐落神當
卽迎紫姑之遺傳者失其名義以憑落卽落呼之但
稱罐又無取考洞覽云帝嚳女將死云生平好樂至

正月可以見迎則罐落或慣樂之訛也

上元時鄉人以扮燈爲樂用姣童作時世裝隨月逐
家雙雙踏歌和以音樂艷以燈火抑揚俯仰極態增
妍謂之開元宵其中所唱十二月採茶歌如三月採
茶茶葉青茶樹腳下等鶯鶯二月採茶茶花開借問
情儂幾時來音詞清婉莫詳所自考吳震方嶺南雜
記云潮州燈節各坊市唱採茶歌尤妙有曰二月採
茶茶發芽姊妹雙雙去採茶大姊採多妹採少不論
多少早還家三月採茶是清明孃在房中繡手巾兩
頭繡出茶花朶中間繡出採茶人有前溪子夜之遺

是知天籟自然矢口成妙不可以操土風少之也田

錄

蜀都賦都人士女袿服靚妝茲處蜀之最南去卓鄭之風甚遠士夫家間或藻飾其餘白布裹頭不以爲諱也仁懷志

宋史載大小播州以威勢脅誘漢戶有不從者屠之沒入田土往往投充客戶謂之納身今征勦之後苗皆散處多有納身於漢戶者是昔時苗人役漢人今則漢人役苗人矣然今之姓本主之姓誠亂宗之大者漢高祖賜婁敬姓劉先輩猶非之况苗人乎上同

俗用祝由科古法也吳人葉天士紺雲園古方選亦用此惟黔楚祝由科更效凡金石湯火手足傷至流血者用焉愈矣謂之收水仁懷志按說文禱祝禱也段玉裁注惠氏士奇曰素問黃帝曰古之治病可祝由而已祝由卽祝禱也已止也

華陽國志謂喜佩刀劍斯固剛勁之風也至安楊雄據愈益尙武以千里之地爲兵者三萬人雖牛犢乎刀劍之矣近約文教此風已戢然尙有以竹弩守門以畚刀自衛者仁懷志

石敢當蜀語見漢黃門令史游急就篇衛有石碣石

買石惡鄭有石癸石制周有石速齊有石之紛如皆有勢位所當無敵今宅有衝射處卽位此石蓋取此義以禦煞星耳故凡人有擔當者亦目之曰石敢當庾信小園賦鎮宅神以藎石倪璠注淮南畢萬術曰埋石四隅家無鬼急就篇曰石敢當顏師古注敢當言所當無敵也今俗居當街道猶埋石書石敢當其遺意也今按人家少埋石者多於門中直釘一虎頭扁中書泰山石敢當

入市交易曰趕場三六九爲期辰集午散猶河北之謂集嶺南之謂墟中原之謂務謂按各場聚市期有

一六者有二七者有三八四九者要以五日一次又有期鼠馬者期牛羊者各以其日支所屬爲市

華陽國志蜀志在辰爲未故好滋味德在少昊故好辛香蜀語飲食曰滋味注益州地在十二辰爲未未者味也萬物皆成有滋味也故其人好滋味按郡城內外肴饌之館不下三十家勺藥和具日無虛席居人頓頓之食每物必著番椒貧者食無他蔬一碟番椒呼呼而飽則其好味好辛蓋由方氣然也

華陽國志蜀志有蜀侯蠶叢其目縱始稱王死作石棺石槨國人從之故俗以石棺槨爲縱目人家按郡

俗至今猶尙石槲古風世傳不能以通禮禁之也前代造者高原坡陀鋤墾雨洗十九露出無山無之往往方丈之地有多至數十槲者

董勛問禮俗正月一日爲雞二日爲狗三日爲猪四

日爲羊五日爲牛六日爲馬七日爲人八日爲穀初

記按今俗又謂九日爲鬼十日爲賊云此二日宜晴

霽不宜陰雨陰雨則民多疫癘盜賊盛行

乾隆十一年縣令朱超致申同書役秋征等子每兩大四五錢遵義納糧之弊始此差役到鄉鮮衣怒馬戶婚田土案件必賄至十餘金命盜案必索至百十

餘金以上遵義差役之橫始此三十五年縣令江瑁

立管里差差之擅霸始此遵義道光十六年貴州巡

撫賀長齡札飭遵義五屬爲查禁事照得黔省差役

之害前已數次飭禁而弊端紛出防範宜嚴不得不

再申告誡風聞各屬簽差三四人下鄉勾攝公事拘

提犯証該差輒帶白役三二十人出城後騎馬乘轎

沿途騷擾行抵鄉間需索酒食銀錢鄉民畏之如虎

惟命是從在有力者尙可出貲以應無力者不免典

當房屋設措付給甚至賣男鬻女冤苦無伸而奸蠹

谿壑難盈更拿至僻處恣意凌虐非刑拷打有鴟子

淨水老狗向火猴子扳椿臥馬銜蹠等項名目該蠹
並有奸巧之法使其傷筋而不傷皮骨雖受者痛不
欲生而外面並無形跡可見官見其並無私拷傷痕
遂不復疑卽該犯亦不能自白其苦况衙蠹如虎該
犯並不敢白乎迨到案後衙蠹教令妄供或誣扳平
民以爲株連索詐地步種種不法深堪痛恨除札道
外台亟札飭札到該司卽通飭各屬遵炤凡遇票差
衙役下鄉務須正身前往尅期繳票銷差不准雇替
私帶白役亦不許騎馬乘轎並嚴禁需索滋擾私自
拷打等弊平日務嚴加約束查有素不安靜之役立

卽草出况白役本干例禁額設之外不准多添一人
並將不准差役騎馬乘轎隨帶多人下鄉各情節大
張告示使民共見其聞如有差役提案令該處約頭
及原被人等查驗票內官差名數查點來役多寡凡
遇票內名數不符或票內無名者卽係白役私自隨
帶之人准其隨案具稟其或藉票索詐亦令被詐之
人隨時扭稟更於聽訟之時每案必盤詰原被人等
有無被差私拷訛索之事如訊有私拷訛索情弊立
卽究明賍數多寡從嚴懲辦

俗語見人物之可誇者曰嗚呼可鄙者曰噫嘻

老學庵筆

記平原曰壩黃山谷酒器曰壩言語忤人曰觸音人

燒礦為鐵曰煨音火炙曰煨音又曰煨音鼻塞曰壑

謂看曰省音曰瞶音曰瞧魚網曰翼音飲食

變味曰餽音臭皮裂曰皴音腹瀉曰過土高起曰埧

曲木可挂物曰鐻鈎音鈇木器曰銚音鋤切

草刀曰劓音刀平木器曰鉋音子詫其多曰多音夥

以刀磨瓦盆或皮上曰鑿音目不見物曰瞽音露牙

曰鮑音以辛香和食曰著音香圓稻米曰稞音米女

工曰鍼音犁上鐵板曰鐸耳老曰老革草木段曰橦

下垂曰臛音結堅曰凝音和物曰拵音物朽而斷

曰劓音人快敏曰劓利水岐曰汧音橫木阻之曰

擋穿牛鼻繩曰牽音舂槌成熟曰糝音母之父母曰

外公外婆磨之漸消曰銛音俗讀穀穗曰約音割牛馬

勢曰騙音不精彩曰驢音皮冒鼓曰鞞音謂多

曰夠音耳垂曰聒音足踏曰躡音牛馬腰左右虛

肉曰軟賺音物濕而黑腐曰勃音一曰儻音乍晴乍雨

曰泔音雨沃土曰魚米之地日中曰晌音午劈

破曰斯聲破曰嘶馬鳴曰嘶器破曰斃音餽音扁食

以米糞鹽椒釀肉魚曰鮓手承物曰托推人曰攘音

手提曰捷音摘毛曰攀音跛行曰踏音心動曰慙音

麪散者曰麪音勃鞍薦曰屨音替抽箱曰屨短衣曰襜音莊

不與人分辨曰不理寒熱結痲曰疥音幸瘍于耳中作

聲曰聒音翁謂子曰憲音幸凡高出曰臺音統凡苗實聚多

曰纂纂通水槽曰筧音箭竹箴曰筧音迷條有耳瓶曰甌

音省作凉席竹曰筴音水竹木石牡曰龔音筧以鹽漬物曰

濫音覽箸曰箴音快伸麪曰擗音敢謂人形短曰矮矧矧音搓

鞋襯曰幫門地啣曰限音坎物小曰穉音雌物臭曰賸音滂

醜音抽去牝馬曰駢雌狗曰草雌思雄曰起草宛轉生

動曰蚘音牛去疥瘡曰乾痛瘰音土傷痕曰痛瘡音論

赤子陰曰峻音構地平曠曰塹垓音墀地芝曰菌音郡米

礮曰磴音內物相擊聲曰砢碎音烹驛遞曰站重聚曰

磊崢音堆上人之狡黠者曰尖攢音纒尾曰巳音以巴艾炷

曰燿音醮火爆曰炆音乍旁屋曰厦手掬曰杯音培手挽曰

撻音俗非粗率曰体音奔去散物曰揆音艷斂衣裳曰扱音札

驚畏曰嚇音黑又手裂物曰撼音減盛酒器謂之酒落

盛茶器謂之茶落凡驢騾所負物曰他音脩子大甕謂

之瓶音缸即得利曰賄音崇去蟲螫人曰蠶音壘以毒藥藥人

曰癆音勞笑曰啞啞音格鞋無飾曰鞞音撒牛羊食已復吐

而嚼音爵之曰回嚼音醮收摺之曰摺揲爪刺曰摺音恰曲

謂之娟貫縷提之以織曰綜音縱橫縷曰緯音位直縷曰

經音痴音愚音曰夢音蠢音壓音物音曰攀音性音傲音曰戇音剛音去音不
平音曰音航音桃音李音核音曰音覈音忽音吸音之音曰音救音箸音去音汁音曰音滓
必音指音物音事音曰音者音遠音俗音非音面音瘡音曰音炮音飯音粒音粘音紙音曰音飯音黏
年音碾音物音使音光音曰音研音柄音曰音杷音同音子音細音謂音之音把音穩音凡音去
瓜音果音皮音曰音雪音藏音酒音曰音窖音足音皮音曰音趺音去音垢音曰音磳音刮音鍋音曰
蠱音曰音蠓音言音吃音曰音蹇音足音皮音曰音趺音去音垢音曰音磳音刮音鍋音曰
鏟音平音木音器音曰音鏟音削音平音曰音鏟音履音中音模音範音曰音檀音絢音趕音曰
碾音衣音系音曰音襟音畔音甑音底音笈音筓音曰音算音閉音飾音邊音曰音緣音怨音攪音曰
槽音聲音去音眼音皮音動音曰音眨音割音眼音鹽音鹵音曰音膽音水音田音舍音曰音莊音主
父音曰音使音聲音去音長音公音主音母音曰音使音長音婆音熬音曰音煎音去音雞音伏音卵音曰

拖音抱音汗音穢音曰音浣音置音釘音平音曰音釘音定音楮音樹音曰音穀音搗音馬音障
泥音曰音韃音絁音毛音席音曰音毯音足音蹂音曰音趾音此音平音豕音項音間音肉音曰音臠
曹音頭音負音物音曰音馱音一音曰音背音悲音撻音穀音器音曰音連音耜音加音束音小音兒
者音曰音絳音崩音馬音後音革音曰音鞅音驟音後音木音曰音紂音棍音互音器音未音成音曰
坏音披音拾音物音曰音塞音簡音呼音狗音吠音物音曰音嗾音滋音線音條音曰音縉音柳音釜
湓音曰音鸞音李音表音畫音曰音寢音甑音吐音氣音曰音吹音火音平音叱音之音曰音嚙音切音
不音速音曰音遲音聲音平音遲音治音唾音人音曰音啡音二音坏音配音聲音不音清音圓音曰音嘎音俗音
沙音上音快音走音曰音焱音標音蠹音蟲音曰音蛆音納音木音岐音曰音輟音又音上音縫音皮
曰音鞫音掌音師音之音曰音啐音卒音村音市音曰音場音呼音人音曰音噉音胃音喉音曰音噪
一音曰音隴音夏音曰音暴音雨音曰音偏音凍音雨音飲音聲音曰音欬音骨音漉音物音曰音昏

抄飯匙曰秉音進船曰划音華音台水器曰肩斗手

卜曰拈闌音小曰蔑蔑曰丁丁又曰點點又曰些些

應聲曰欸音漉器曰簪箕關捩曰捎音篋音凡物已

探復搜其遺曰散賀人曰恭諭音審毀人曰誹音詞不

屈曰響音以言阻人曰讜沉水曰沒音去曰淹音鋪

墊曰擗音縷在紡車上及在梭中曰縶音正屋曰袋

作音薦俗壯牛曰牯牝牛曰牴月半明曰朏音亮繩索

斷而續之曰剝音燒刀刃納水中以堅之曰淬音以

箴束物曰箠音孤竹器曰篔簹器光曰釉音瘦皮垂下

曰皸音苔手掘曰窆音蓋曰康音傷皮曰刺音上物

裂開曰笑碎切曰劓音織具曰筓音渣汁曰澱細長

曰瞭音挑音謂人樸訥曰木訕音熱而皮生瘡曰痂

費音子多鬚曰鬣音腮縮髮為髻曰鬢音麩漿曰糲音

樹枝岐者曰桎音閉門機曰櫪音搦汁曰齏音以物

沾水曰蘸音大曰熒音上曰莽爛曰馘音跋音粗蠢曰恹

贛音不慧曰昏惆音疴曰懵懂音猛一目眇曰單

照牙垢曰牙塵音屋上承椽梁曰檁音小兒學行狀

曰跽音水上涌曰涓音擊曰搭音手采曰將小兒手

據地行曰趨音屈膝曰蹙音上日費曰進用補漏曰

苴音不脆曰孺音如不鮮曰蕩音不端正曰藪音上礎

苴音不脆曰孺音如不鮮曰蕩音不端正曰藪音上礎

苴音不脆曰孺音如不鮮曰蕩音不端正曰藪音上礎

苴音不脆曰孺音如不鮮曰蕩音不端正曰藪音上礎

風俗

鮮人死曰過世謂人曰炆音焮噍聲曰𪗇音括𪗇音括齒

畏曰𪗇音推推之曰撻音旋旋水曰漩渦手捉曰搭音客客水

潭曰沱音陀壅物味變曰𪗇音醜醜音抽去築隄蓄水曰迮

作熟米麥末之曰炒麪深巖曰嵌音謙謂欺給曰鬼謂

人黠曰鬼生卯曰生音去謂人村曰山巴士獠不伸曰

拘音紐舟著地曰𪗇音珂去繞腰窄囊曰纏音去袋分麻曰

朮音派跛行曰𪗇音精取笑語曰訖音陀山頂霧曰山帶帽

物墮水聲曰澶石墮曰砉音俱音漉去水曰瀝齧骨曰

𪗇音鬪猪脂中堅者曰脰音猪電曰睽音閃肥脂曰臙音標手

指文曰𪗇音羅精肉曰睛音精胎衣曰𪗇音胞溺囊曰𪗇音田

分段曰稜音切鄧禾不實曰穰音穰遠曰寫音帶袴曰𪗇音鍾

行不進曰𪗇音介𪗇音甘小兒女曰么不知名呼之曰那

懦音懦漬藏肉菜曰醃音淹酒器曰酒醯音海不去滓酒曰膠

勞音勞糟鹵水曰醎音滅勉力曰𪗇音絳自謂曰我謂人曰你

每耳曰睡音柔平乾肉及餅曰巴不謹曰𪗇音僂僂音撒搭開

張曰𪗇音查潤口曰𪗇音車上牛羊馬豕欄曰圈禽卵曰

彈薰藥曰熏音訓火燒曰煨香氣盛曰𪗇音蓬去兩手相

摩切曰𪗇音磋罵人之醜稱曰雜種重曰重𪗇音本𪗇音本

弓戾曰𪗇音弣凡器物指甲裂皆曰𪗇音小兒戲捉其

鼻曰牽牛狡獪曰𪗇音胡刮稻苗秀出曰放標音標急遽

曰奔去聲命發慢頭曰起醉音教便旋曰出恭有所礙曰
隱思上聲凡戲玩曰耍澆花木菜蔬曰飲去聲水凡初贈
工匠曰利市蝨食菜曰蝨殺去聲物件曰家火氣鬱不
伸曰漚去聲犬羊癩曰廬四邊曰四映人之憤憤者謂
之敵濁音解褥子謂之裯音子凡顏色鮮明曰翠言
語不合謂之不對牡老不聾瞶疾不沈重皆謂之新
鮮煖酒曰湯音湯襯裡曰胎鑄音注銅鐵器曰鑄音鏞心亂
曰佬悼音老慚恥曰設音慚羞聚足曰躡音攢低聲曰啾
啾音遙小腸曰孛音子腸玉讀若遇石讀爲旦孟讀作
夢大讀一駕切朋音蓬術述音蜀巫誣音烏尹音允

虹音岡去聲署音樹衡音烜奚音希調謂小港曰浩

蜀道驛程記

按地方常言有其聲不得其文者多矣明李實雷
意方言所撰蜀語事徵本原十得七八今悉採載
其有他處之語遵義獨無者不錄

苗蠻附

南平獠東距智州南屬渝州西接南州北涪州戶四
千餘多瘴癘山有毒草沙虱蝮虵人樓居梯而上名
爲干欄婦人橫布二幅穿中貫其首號曰通裙美髮
髻垂於後竹筒三寸斜穿其耳貴者飾以珠璫俗女

多男少婦人任役婚法女先以貨求男貧者無以嫁
則賣為婢男子左衽露髮徒跣其王姓朱氏號劍荔
王貞觀三年遣使內款其地隸渝州唐書
西南諸夷漢牂牁郡地武帝元鼎六年定西南夷置
牂牁郡唐置費珍莊段播郎牂牁夷等州其地北
距兗州百五十里東距辰州二千四百里南距交州
一千五百里西距昆明九百里無城郭散居村落土
熱多霖雨稻粟皆再熟無徭役將戰征乃屯聚刻木
為契其法劫盜者償其主三倍殺人者出牛馬三十
頭與其家以贖死病疾無醫藥但擊銅鼓沙羅以祀

神風俗與謝蠻同宋史

花苗男女折敗布緝條以織衣無衿竅而納諸首以
青藍布裹頭少年縛楮皮於額婚乃去之婦人斂馬
髮尾雜髮為髮大如斗籠以梳裳服先用蠟繪花於
布後染之既染去蠟則花現飾袖以錦故曰花苗通志
黔書每歲孟春合男女於野謂之跳月擇平壤為月
場鮮衣艷粧男吹蘆笙女振響鈴旋躍歌舞謔浪終
日暮挈所私而歸比曉乃散聘資視女之妍媸為盈
縮遇喪則屠牛召戚遠近各攜酒肉以博環哭盡哀
葬不用棺斂手足而瘞之卜地以雞子擲之不破者

爲吉病不服藥惟禱於鬼宰牲磔雞往往破家終不
悔悟以六月爲歲其性慙而畏法其俗陋而力勤
白苗衣僅及膝男子科頭赤足婦人盤髻長簪跳月
之習與花苗同祀祖擇大牯牛角端正者飼及茁壯
卽通各寨有牛者合鬪於野勝卽爲吉鬪後卜日砍
牛以祀主祭者服白衣青套細褶寬腰裙祭後合親
族高歌暢飲其性慙而厲轉徙不恆爲人僱役懇田
往往負租逃去志通

不敢爲盜黔書

楊保乃播州之裔其婚姻葬祭頗同漢人亦有挽思
哀悼之禮但性狡而獷間或緣事官司差役拘捉輒
抗拒不出志通

按今遵義各屬極僻所在尙有此種數家皆與人
雇佃淳樸不知犯法而向來土著者至今漸漬禮
教皆與漢人無別俗以其老籍謂之轉窩子然其
人家類忠慤勤儉鮮作姦犯科事與籍他省者機
詐百出迥然不同太樸之遺亦幸存矣

狃家不與諸苗齒自矜曰我狃家也人謂之苗輒拂

之噫唯之與阿相去幾何耶仲家婦女好裝飾以硃
錦爲裳而短省志謂其長裙或別有所見腹上加一
兜青布爲之著草屨簪花爲冶容自趨於市貴陽甚
多仁懷間有之仁懷志

紅苗衣服悉用斑絲女紅以此爲務牲畜不宰皆梃
殺以火去毛帶血食之人死則將所遺衣服裝像擊
鼓歌舞名曰調鼓五月寅日夫婦各宿不敢言不出
戶以避鬼恐致虎俚同類鬥殺以婦人勸方解通志按
雍正間紅苗首禍剿滅幾絕今仁懷多紅苗仁懷志
六額子在大定與仁懷毗連者或時往來

土人在大定者曰獮獮本曰盧鹿深目長身白齒
鼻或曰卽羅鬼仁懷有之

馬鞞苗以布擁腹如馬鞞赤水里有之並仁懷志

遵義府志卷二十一

遵義府志卷二十一

祥異

子產曰天道遠人道邇豈不信哉顧降祥降殃概謂無故而然亦非聖賢修省道也遵義自漢至今所傳所聞見多可攷信茲衷而錄之使盡人事以迓天庥者知所感召其不敢強傳會推測猶是夾漈災祥略不紀徵應之意云

漢

高帝元年十月五星聚於東井

史記

景帝二年十二月有星孛於西南

祥異

三年春正月長星出西方並孫志

成帝河平二年十月下旬填星在東井軒轅南端大星尺餘歲星在其西北尺所熒惑在其西北二尺所皆從西方來填星貫輿鬼先到歲星次熒惑亦貫輿鬼十一月上旬歲星熒惑西去填星皆西北逆行占曰三星若合是謂驚位是謂絕行外內有兵與喪改立王公其十一月丁巳夜郎王歆大逆不道牂柯太守立捕殺歆三年三月左將軍千秋卒四年四月梁王賀薨漢書天文志

哀帝建平四年十二月白氣出西南從地上至天出

參下貫天廁廣如疋布長十許丈十餘日方滅舊蜀志

靈帝熹平三年歲大饑斗粟千錢孫志

晉

武帝咸寧四年夏四月蚩尤旗見於東井晉書

惠帝光熙元年五月枉矢西南流

懷帝永嘉四年十月大星西南墜有聲

穆帝升平四年冬十月天狗流於西南並同上

齊

武帝永明六年熒惑逆行入於太微齊書

陳

文帝天嘉元年九月癸丑彗星見長四丈芒指西南

周武帝天和三年當陳光大二年二月己未太白犯井北軒

轅第一星夏四月太白入輿鬼犯積尸六月甲戌有

星孛於東井至輿鬼乃滅

周天和六年當陳光大三年四月己卯熒惑犯輿鬼

周建德元年當陳光大四年七月丙午太白合於東井

周建德二年當陳光大五年二月壬戌熒惑犯輿鬼入積尸

周建德五年當陳光大八年六月庚午熒惑入輿鬼

周宣政元年當陳光大十年六月癸丑歲星熒惑太白合於

東井

周宣帝大象元年當陳大建十一年四月戊子太白歲星辰

星合於東井以上北周書

隋

文帝開皇八年二月鎮星入東井隋書

唐

德宗建中元年六月熒惑太白鬥於東井

宣宗大中二年彗星出於觜參

昭宗天復元年五月丁酉至于己亥太白晝見經天

在井度八月己亥西方有白雲如履底中出白氣如

正練長五丈上衝天分爲三彗頭下垂蜀以上志

後唐

明宗天成二年十二月壬辰西南方有赤氣如火燄約三十里蜀志

宋

太祖乾德二年綏陽縣民王義田禾一莖兩穗綏陽志

太宗雍熙四年有犀白黔南入萬州民捕殺之獲其皮角

仁宗慶曆三年七月戊辰夜西南生黑氣長三丈許

經天而散

徽宗建中靖國元年正月星出西南如盂東北急流入尾

大觀元年二月星出參如杯西南急流入蜀蜀以上志

高宗紹興十六年十二月戊戌彗見西南乙巳滅

二十六年秋七月丁未彗出井內丙辰彗滅

孝宗淳熙十年南平旱

十四年十一月甲寅西南方有赤氣隨日入

理宗景定五年秋七月乙卯彗星退於鬼辛巳彗星

退於井

瀛國公德祐二年春正月己卯月暈東井以上宋史本紀

元

世祖至元元年秋七月甲戌彗星出輿鬼

成宗大德五年九月乙酉自八月庚辰彗星出井歷

紫微垣天市垣凡四十六日而滅舊蜀志云八月庚辰彗星出井二十

四度經貫索星長丈餘至天市垣巴蜀之東凡四十日乃滅

仁宗皇慶二年二月丁未彗星出東井

順帝至元五年八番順元等處皆饑以上元史本紀

二十二年播州田鼠食禾幾盡總管祠而祝之鼠悉

赴水死孫志

明

太祖洪武十一年八月播州蝗大行孫志

成祖永樂六年八月夜有星大如盞赤白色尾跡有

光出西方西南行入游氣舊川志

英宗正統九年夏六月苗民饑發粟賑之黔志

景帝景泰二年夏大饑黔志

憲宗成化三年播州大旱孫志

十八年蝗食粟綏陽志

孝宗弘治元年播州大旱孫志

祥異

八年冬十一月地震

九年夏五月大水並黔志

世宗嘉靖七年播州大旱孫志八月仁懷隕霜殺稼仁懷志

八年播州大疫孫志

十一年秋八月彗星見東井芒長丈餘掃太微垣及

角宿天門凡一百十有五日後乃滅明史

十五年播州地震有聲

二十六年播州大旱並孫志

三十三年原無年考馮岳討播歸殺天旺落六寨女

酥卽孿產牝牡而獸尾眾以為女與畜交故有此三

度關守者白之總督馮岳將訊之岳曰蠻族本穴居

巢卧人獸相雜此卽盤瓠馬人之故習也何怪焉遂

救壞所產而置女不問續司台誌

三十九年十月仁懷大霜凝結如花草

四十年仁懷旱三月不雨並仁懷志

四十四年秋七月播州大雹雪傷稼黔志

四十五年二月大雨雪雹孫志

神宗萬曆六年播州大疫孫志

十六年大旱綏陽志

十七年春饑大疫秋有年孫志

二十三年大有年仁懷志

二十七年正月丙日下復有一小日空中相盪數日方止四月彗尾見于西方其芒如帚又有一星四圍皆若芒刺民間謠云有飯無人吃有路無人行老者死大半幼皆死七分六月應龍率苗兵犯順二十日抵至登鋪張良賢戰不利退回與虜嘉寵約空綦城以免民難房不然之次日城陷殺男女萬計浮屍滿江城內外焚毀幾盡此建設以來非常之慘也神宗震怒命總督李化龍督師會勦綦江志播酋叛勢甚張

十月經歷譚恕避兵深巖忽聞石裂有文在石上云

聚山巖人化血石壁壞諸蠻絕明詩綜

二十九年斗米千錢綏陽志

三十二年五月初十日綏陽大水浸城七尺十月十

六日城中復火民居殆盡三日前黑犬上屋行綏陽志

三十三年四月二十九日綏陽大水城圯東南角至

七月初四日雨始止田禾盡沒綏陽志

三十四年大有年黔志夏五月綏陽大水冬十

月綏陽火城中民居幾盡黔志

三十八年府民戴姓家猪產八子內一象形尋斃

四十年春正月郡城火二月雨微疫自正月晦前四
日至二月朔後五日數處火災延燒甚廣民不聊生
又自冬迄春不雨日色常赤郡守孫敏政率屬祈禱
遂獲微霖火患方息

並孫志

四十六年二月地震有聲自西而南

四十七年三月蚩尤旗見於遵義西方經月乃滅

並志

熹宗天啟五年大旱

懷宗崇禎十三年大旱

十五年三月朔青紅暈日闊數百丈黑霧如虹閃爍

盪晃至午方散

並陳志

國朝

順治五年六年連遭荒疫民大饑斗粟四兩僵尸載
道

七年九月大水山石崩裂

並陳志

十三年大旱陳志遠近傳有抹臉魔中夜面皮忽失去
如剝男女夜圍坐不敢寐無故自驚

綦江縣志

按涪潭縣志云癸巳年民間驚告有抹臉賊來晝
夜各聚守數月乃罷抹臉者爲剗人頭之半割其
面以去也相傳羅鬼之俗渠長歲抹人臉以祀神

志

卷之十一

詳異

不知果否昔年孫王在黔黔中人忽傳王調羅鬼兵自助降神卜之神曰抹萬人臉爲祭者兵出乃勝王許之千且使人四出盜殺而取之實無是事也所在震動雖官吏亦走匿他所此與綦江志所紀前三年未知孰確

十四年二月遵義雷火焚民居擊死者三人

陳志

十六年巳亥大旱斗米一金

涪潭縣志

十七年雨潦秋歉

康熙元年大有年

二年正月遵義雷火焚民居

十一年七月流星赤色大如斗自南墜翼軫間有聲如雷

十二年十一月彗星見於西南三角刺曰

十三年三月朔郡城火通城盡燼惟道府縣公署僅存燒死男婦三百餘口十五夜城外三黨復火民居無存

十五年大疫

十六年郡城北內外火

十七年遵義大水壞民田四千餘畝各里汙沒無算

十九年彗星拂東井自西至北經旬始沒

以上陳志

二十一年仁桐界蟠龍水大疫死及牛畜鳥獸是年

雨澇秋歉談亮集

二十三年夏四月大水壞郡城東門外石橋後復大旱饑秋上莊石華庵牡丹開一花四蕊無葉經冬乃凋陳志

二十五年大有年

三十七年二月郡城火城內民居半燬

雍正元年大有年

七年慶雲見於黔嘉禾生一莖兩穗至有十五六穗者穗四百粒至七百粒穗長尺有奇大有年

十年大有年

十二年大有年以上仁懷志

乾隆四年正安三江里雞公嶺下有石長二丈五尺

形如龜風雨中行數十武雷擊斷之正安志

二十九年春夏水旱蟲食麥岐蘆州文稿

三十年六月十八日夜聞天鳴遵義紀聞

三十四年自去年八月淫雨至於夏六月七月二十

六日彗星見於東方指西長數丈至八月十四日滅

自六月旱至八月始雨秋大歉同上

三十五年三月十九日遵義南鄉大雹遵義紀聞麥大歉

無收至失種

文蘆洲

夏二麥無收斗米一兩四錢自去

年秋居民皆採側耳根夏枯草墊蕨粉以食甚有掘

白塘名觀音粉為丸飯者秋大熟

鋤經 堂集

三十六年七月朔初昏有物自東北來長數丈黑色

如鱸狀眼大如盤光芒四照徐由西南去踰刻又一

物來如前狀稍短小化為青霧而散秋大熟斗米銀

一錢五分

三十七年歲大熟

三十八年五月桐梓大水淹入縣治二十日初昏聞

天鳴秋大熟斗米一錢七分

三十九年四月二十日遵義南隅里雨雪

四十年十一月初五日夜大雷雨初六日初七日兩

夜竝雷

四十二年郡治後山遠望之若小羊數萬飛走往來

近視不見

以上遵義紀聞

四十三年前三月二十四日遵義大雹樹皮盡脫夏

大旱竹樹多枯死斗米一兩彗星長數十丈秋大饑

民多掘老鴉蒜苦藕根以食

鋤經 堂集

十一月遵義底水

羅姓斑竹林生筍成林梨李開花結實

遵義紀聞

四十四年巳亥大旱米價仍前年

鋤經 堂集

四十五年清潭里水落坑山鳴如雷九月中見天忽
開紅綠色十月中二更見天南方有物大如牛漸如
山色紅燭地若晝逾時滅是年大水壞田禾無算
四十六年七月三十日初昏西方有三星鬪
五十一年四月地震其江志云五月初六日
五十四年五月大水溺田禾無算以上蘆洲文稿
五十七年秋大水壞稼遵義永安里壞民宅數十家
淹死居民五六十口又杉松壩山腰有洞忽湧大水
壞民宅二三十家淹死居民二三十口採新
嘉慶元年丙辰大旱

二年自五月至八月始雨民至食樹皮並鋤經堂集

三年三月十五日五色雲見於西方四月十二日日

暈五色三重胡麥大熟遵義紀聞

五年閏四月桐梓傅予貴妻易氏一產三男官給米

布

十二年五月桐梓苟開泰妻黃氏一產三男官給米

布並檔冊

十四年七月正安小溪里羅乾溪有山周四里動陷

為潭証安志

十六年七月彗星見九月始滅其江志

十七年大旱

二十年四月立夏後大雪壞秧

二十四年大旱七月二十五日寅刻地震

二十五年大旱十二月二十八日大雷雨雪竝下雪

後虹見

道光元年十月天雨紅豆似棗仁味甘香多處可掃以食歲大饑

二年正月初二日雨雪如斷線

五年七月彗星見長約二丈

八年戊子冬至夜大雷雨

十一年辛卯五月二十日桐梓大水自三元壩北所

經淹沒死者不能計七月十四日日光藍綠入室如

凍青色竟日無精芒二十四五兩日亦如之並新採

十三年五月正安王京妻楊氏一產三男官給米布

九月初八日大風拔婁山關古木蓮樹

十四年三月二十日遵義沙溪里巖孔壩大雹暴風

雨平地水漲沙石成堆塌民房數十間淹斃男婦大

小二十餘口地周十餘里秋麥盡壞並檔冊

十五年四月十九初昏聞天鳴六月初四日夜見光

兩道自天下頃刻為一漸收至天為一星大如月久

乃滅是歲大旱六月二十四日雷震協署旗竿

十六年三月遵義北鄉雨粟如小豆色赤

十七年六月二十四日雷震協署旗竿

十八年戊戌七月彗星見南方八月大風拔桃源洞口大木壞昭忠祠左序九月仁懷城內夜聞兵馬聲十餘夕乃已

十九年二月二十二日日出雲暈五色

二十年四月十三日大風折府署右旗竿十四日日暈六月淫雨遵義縣樂安里山崩壓民屋死者五人桐梓縣水入城積二十餘日始漸退近城數十里田

禾皆壞八月遵義永安里楊姓有產人首蛇身者十月十八夜大雷電

並新
梓

遵義府志卷二十一

